



Bordi i Zyrës së Rregullatorit për Energji

Duke u bazuar në:

- Nenin 8 paragrafi 1 nënparagrafi 1.6, nenin 14 paragrafi 2 nënparagrafi 2.7 dhe nenin 25 të Ligjit për Rregullatorin e Energjisë (Nr.03/L-185);
- Nenin 4, 5 dhe 13 paragrafi 1 nënparagrafi 1.2, nenin 14, neni 15 paragrafi 1 dhe nenin 16 të Rregullës për Procedurën e Autorizimit për Ndërtimin e Kapaciteteve të Reja;
- Kërkesën/aplikacionin për ndërtim të kapaciteteve të reja gjeneruese për prodhim të energjisë nga Panelet Solare Fotovoltaike, me kapacitet të instaluar prej 102 kW, në lokacionin "Gjurgjevik/Malisheva" ZK Gjurgjevik, komuna e Klinës, të datës 11.09.2013 të shoqërisë "LED LIGHT TECHNOLOGY KOSOVA" SH.P.K., me adresë "Ulpiana C2, Hyrja III., nr. 6, Bulevardi " Dëshmorët e Kombit"-Prishtinë, Republika e Kosovës,
- Kontratat, lejet, pëlqimet dhe vendimet e lëshuara nga institucionet përgjegjëse, si në shtojcën II. të këtij vendimi,

në seancën e mbajtur me datë 03 tetor 2014 nxori këtë:

V E N D I M PËR LËSHIMIN E AUTORIZIMIT

- I. I lëshohet **AUTORIZIMI** shoqërisë "Led Light Tehnology Kosova" SH.P.K., për ndërtimin e kapaciteteve të reja gjeneruese për prodhimin e energjisë nga panelet solare fotovoltaike, me kapacitet të instaluar prej 102 kW, në lokacionin "Gjurgjevik/Malisheva", ZK Gjurgjevik, komuna e Klinës.

A r s y e t i m

- o ZRRE me datë 11.09.2013 nga shoqëria "Led Light Tehnology Kosova" SH.P.K., ka pranuar kërkesën/aplikacionin për ndërtim të kapaciteteve të reja gjeneruese për prodhim të energjisë nga panelet solare fotovoltaike, me kapacitet të instaluar prej 102 kW, në lokacionin "Gjurgjevik/Malisheva" ZK Gjurgjevik, komuna e Klinës.
- o ZRRE pas konstatimit se aplikuesi ka dëshmuar përshtatshmërinë e tij për ndërtimin e kapaciteteve të reja gjeneruese nga panelet solare fotovoltaike, ka vlerësuar se aplikuesit duhet ti lëshohet Autorizimi Final për ndërtim, pasi janë përmbushur kërkesat mjedisore, e drejta mbi shfrytëzimin e tokës, Lejen ndërtimore dhe kërkesat e tjera ligjore që lidhen me natyrën e projektit sipas legjislacionit në fuqi.
- o ZRRE ka vlerësuar edhe deklaratën e datës 03 tetor 2013 të shoqërisë "LED LIGHT TECHNOLOGY KOSOVA " SH.P.K. të paraqitur sipas pikës 20 të aplikacionit, ku ka theksuar se: edhe pse



çmimi i tarifës nxitëse për prodhimin e energjisë elektrike nga panelet fotovoltaike nuk është i përcaktuar ende nga ZRRE, shoqëria në fjalë do pranojë çfarëdo çmimi nxitës të energjisë elektrike të prodhuar nga panelet fotovoltaike që ZRRE do përcaktojë në të ardhmen.

- ZRRE, pas vlerësimit të dëshmive të bashkangjitura dhe pranimit të dëshmive tjera plotësuese, të kërkuara nga ZRRE, dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.
- II. Vendimi për Autorizim i lëshohet shoqërisë “Led Light Tehnology Kosova” sh.p.k., për dy (2) vite, dhe obligohet që brenda kësaj periudhe të ndërtoj panelet solare fotovoltaike.
- III. Vendimi nxirret në gjuhën shqipe dhe do të përkthehet në gjuhën serbe dhe angleze. Në rast të mospërputhjes në mes të versioneve, do të mbisundojë versioni në gjuhën shqipe.
- IV. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.


Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodh e fundit.

Bashkangjitur Vendimit janë Shtojca I dhe Shtojca II.

Bordi i ZRRE-së:


Enver Halimi, kryesues


Merita Kostari, anëtar


Krenar Bujupi, anëtar



SHTOJCA I

Zyra e Rregullatorit për Energji (ZRRE), duke ushtruar kompetencat e dhëna me nenin 38 të Ligjit për Rregullatorin e Energjisë dhe në përputhje me Nenin 16 të Rregullës për Procedurën e Autorizimit për Ndërtimin e kapaciteteve të reja, shoqërisë "Led Light Tehnology Kosova" sh.p.k., me adresë "Ulpiana C2, Hyrja III., nr. 6, Bulevardi " Dëshmorët e Kombit"-Prishtinë, Republika e Kosovës, i lëshon këtë:

AUTORIZIM

- 1. Për ndërtimin e kapaciteteve gjeneruese për prodhimin e energjisë elektrike nga panelet solare fotovoltaike, me kapacitet të instaluar prej 102 kW, në lokacionin "Gjurgjevik/Malisheva", ZK Gjurgjevik, komuna e Klinës.**
- Me këtë Autorizim autorizohet shoqërisë "Led Light Tehnology Kosova sh.p.k., që të ndërtojë kapacitetet gjeneruese në lokacionin e caktuar më lart, sipas kushteve dhe afateve të përcaktuara në këtë Autorizim.
- Ky Autorizim do të vlejë për dy (2) vite, duke filluar nga data e lëshimit të tij. ZRRE, me kërkesë të palës, mund ta vazhdojë vlefshmërinë e Autorizimit në përputhje me legjislacionin në fuqi.
- Pala e Autorizuar, gjatë tërë periudhës së vlefshmërisë së këtij Autorizimi, duhet të plotësojë:
 - 4.1. të gjitha kushtet e përcaktuara me këtë Autorizim,
 - 4.2. të gjitha kushtet e përcaktuara me legjislacionin në fuqi në Kosovë, përfshirë edhe ato për mjedisin.
- Zyra e Rregullatorit për Energji mund ta bëjë modifikimin e këtij Autorizimi në përputhje me dispozitat e nenit 19 të Rregullës për procedurën e autorizimit për ndërtimin e kapaciteteve të reja.
- Në rast se pala e Autorizuar falimenton para se të ndërtohet stabilimenti gjenerues i autorizuar, atëherë ky Autorizim do të pezullohet dhe do të mbetet i tillë derisa ZRRE përcakton se janë arritur marrëveshje të kënaqshme që mund ndikojnë në tërheqjen e pezullimit. Derisa ky Autorizim është i pezulluar e tërë puna e mëtutjeshme në ndërtimin e stabilimentit gjenerues të Autorizuar duhet të ndërpritet. Në rast të kundërt ndaj palës së Autorizuar mund të ndërmerren masat administrative dhe gjordat të përcaktuara me legjislacionin në fuqi.
- Vlefshmëria e këtij Autorizimi automatikisht do të përfundojë me skadimin e afatit të përcaktuar në pikën II. të këtij Vendimi, apo me skadimin e afatit tjetër të përcaktuara nga ZRRE në përputhje me pikën 3 të këtij Autorizimi.
- Në rast se pala e Autorizuar bën shkeljen e ndonjëres prej kushteve të këtij Autorizimi, të dispozitave ligjore në fuqi apo të dispozitave të Rregullës për procedurën e autorizimit për



ndërtimin e kapaciteteve të reja, ZRRE mund ta pezulloj këtë Autorizim në përputhje me dispozitat e Rregullës për procedurën e autorizimit për ndërtimin e kapaciteteve të reja. Nga data e pezullimit të Autorizimit e tërë puna e mëtutjeshme në stabilimentin e autorizuar gjenerues do të ndërpritet. Në rast të kundërt, ndaj palës së Autorizuar mund të ndërmerren masat administrative dhe gjobat të përcaktuara sipas legjislacionin në fuqi.

9. Pala e autorizuar duhet ta njoftojë me shkrim ZRRE-në dhe të kërkojë pëlqimin paraprak për çdo ndërrim të ndonjë pjese të elementeve ekzistuese të paneleve apo shtim të elementeve të reja, e që nuk janë të përfshira në projektin që është pjesë e aplikacionin.

SHTOJCA II

Lista e dokumenteve (lejeve, pëlqimeve, vendimeve, kontratave, etj.), të lëshuar nga institucionet e Republikës së Kosovës lidhur me marrjen e **Autorizimin** të shoqërisë "Led Light Tehnology Kosova" sh.p.k., për ndërtimin e kapaciteteve të reja gjeneruese nga panelet solare fotovoltaike, me kapacitet të instaluar prej 102 kW, në lokacionin "Gjurgjevik/Malisheva", ZK Gjurgjevik, komuna e Klinës:

- **Pëlqim** – 06 nr. 351 - 3945/13 e datës 03.10.2013 lëshuar Drejtoria për Urbanizëm dhe Mbrojtje të Mjedisit e Komunës së Klinës;
- **Pëlqimi Mjedisor** – 13/3584/2-444 DMM e datës 09.12.2013, lëshuar nga MMPH.
- **Leja e Ndërtimore** – 06 Nr. 351-53./14 e datës 31.01.2014 për ndërtimin e parkut energjetik solar me fuqi instaluese prej 102 kW në fshatin Gjurgjevik, Komuna e Klinës, ngastra kadastrave nr. 241/2, P – 71010029 – 00241, ZK Gjurgjevik, e evidentuar në emër të " Led Light Tehnology Kosova" sh.p.k., vendi i quajtur Lugagji, zona IV, e lëshuar nga Drejtoria për Urbanizëm dhe Mbrojtje të Mjedisit e Komunës së Klinës.
- **Certifikata e Paluejtshmërisë** - P – 71010029 – 00241, ngastra kadastrave nr. 241/2, ZK Gjurgjevik, e evidentuar në emër të " Led Light Tehnology Kosova" sh.p.k.
- **Zgjedhja teknike** - Kushtet për Projektim dhe Kyçe në rrjetin e Distribucionit nr. 6169 dt.03.10.2013.
- **Kontrata SOL 04.06.2013 5e** - mes RUDIS d.o.o. dhe GORENJE d.d. për shitjen e pajisjeve për Panelet Fotovoltaike.
- **Kontrata SOL 04.06.2013 6e** - mes RUDIS d.o.o. dhe GORENJE d.d. për instalimin e Paneleve Fotovoltaike.
- **Studimi i Fizibilitetit - Teknik, Financiar dhe Mjedisor.**

(Vulosur me vulën e rëndomtë të ZRRE-së më):

_____.

(Nënshkrimi (në emër të Bordit të ZRRE-së))